

SAKSPAPIR

Saksnr	Utval	Type	Dato
043/22	Formannskapet	PS	04.05.2022
046/22	Heradsstyret	PS	11.05.2022

Saksbehandlar	ArkivsakID
Olaf Michal Hella	22/1275

Vurdering av utvida opningstid frå kl 07:00 i skulefritidsordninga for skulane i Osterøy

Rådmannen sitt framlegg til vedtak:

Utviding av opningstida vert vurdert i behandling av budsjett for 2023.

Formannskapet - 043/22

FS - behandling:

Tone Mjelde, SV, kom tilbake i møte.

Fulltalig formannskap

AVRØYSTING:

Rådmannen sitt framlegg til vedtak vert samrøystes vedteke

FS - vedtak:

Utviding av opningstida vert vurdert i handsaming av budsjett for 2023.

Heradsstyret - 046/22

HS - behandling:

Framlegg og avrøysting kjem fram av voteringsprotokoll som ligg nedst i samla møteprotokoll.

HS - vedtak:

Utviding av opningstida vert vurdert i handsaming av budsjett for 2023.

Saksopplysningar:

Saksopplysningar:

Bakgrunn I handsaminga av nye vedtekter i formannskapet 16.2.22 og heradsstyret 23.02.22 vart det ytra ønskje om å vurdere å gjere opningstida i barnehage og skulefritidsordninga lik. I vedtektene i dag opnar barnehagane kl. 07.00 og har ope til kl. 16.30. Skulefritidsordninga har opningstid frå kl. 07.30 til 16.30. Det medfører at nokre bedrifter og familiar får det hektisk om morgonen med meir stress.

Vurdering

Det er gjort ei vurdering av kostnadane og trong for bemanning i skulefritidsordninga for dei fire kommunale skulane. Kostnadane kommunen har til skulefritidsordning var i 2021 på 46%. 54% av kostnadane var finansiert med brukarbetaling.

Kommunane finansierer skulefritidsordninga med ulik del brukarbetaling. Som eit døme gjekk Alver kommune i 2020 over til å finansiere skulefritidsordninga i større grad etter sjølvkost. I dag kostar ein heil plass i Osterøy 2 500 kr, i Alver 2 878 kr og Bergen 2 830 kr pr måned.

Det er fleire faktorar som er uklare pr dags dato. I statsbudsjettet ligg det inne at 12 timar i veka skal vera gratis for 1. trinn i skulefritidsordninga frå hausten 22. Kor stor del av dei kostnadane kommunen får refundert er i dag ikkje klart og det er heller ikkje klart kor mange som vil nytte tilbodet. Tala under er erfaringstal. Tal frå 2020 er basert på koronastenging av skulefritidstilbodet i store delar av mars og april.

Folkehelse
Ikkje vurdert

Miljø
Ikkje vurdert

Økonomi

Dei siste åra har fordelinga av brukarbetaling og kommunal del vore slik:

År	Kostnad tilbud SFO	Brukarbetaling	Kommunal del kostnad	%-vis kommunal kostnad
2020*	5,9 mill.	2,6 mill.	3,3 mill.	56 %
2021	6,2 mill.	3,36 mill.	2,85 mill.	46 %
1.1.22 - 30.4.22	2,2 mill.	1,470 mill.	0,73 mill.	33 %

* Korona med statleg refusjon frå 12. mars til 25. april 2020.

Det er 175 barn i Osterøy som nyttar tilbodet i skulefritidsordninga i dag.

Kommunen har vurdert kva ei utviding av skulefritidstilbodet vil medføre auke i kostnader med ei opningstid frå klokka 7.00 i staden for klokka 7.30. Det er basert bemanning etter gjeldande vedtekter. Det er i tillegg lagt inn ein toppressurs til barn med behov for spesiell tilrettelegging for å få med alle kostnadane. Behovet på dei ulike skulefritidsordningane vert då:

SFO skule	Tal tilsette på morgon	Medgått tidsbruk	Kostnad
Valestrand	2	1	350
Haus	4	2	700
Fotlandsvåg	1	0,5	175
Lonevåg	4	2	700
Toppressurs særskild tilrettelegging	5	2,5	875.-
Sum kostnad pr veke	11	5,5 t	2 800.-

Personalkostnad pr time i skulefritidsordninga er 350 kr pr time.

Kostnad pr år med utviding frå kl. 7:30 til 7:00 i 45 veker * 2 800 kr= 126 000kr

Dersom den tilsette har opphald i arbeidstida kan dei ha krav på delt dagsverk. I utrekninga er det

ikkje vurdert kostnader knytt til delt dagsverk om tilsette må starte i SFO kl. 7.00 og stenge kl. 16.30. Dette gjev ei arbeidstid på 9,5 timar som ikkje er tillat samanhengande etter arbeidsmiljølova. Utvidinga kan også medføre at ein må auke tal deltidstilsette. Problemstillinga vil vere størst på dei minste skulane.

Skulane skal ut frå budsjettet for 2022 redusere drifta med 3,5 millionar. Dette tilsvarar 11 årsverk frå august 2022. Det vil vere uforsvarleg å auke opningstida innanfor skule sine rammer. Ei eventuell finansiering bør difor hentast frå auka inntekter som brukarbetaling.

Konklusjon

Dersom ein ønskjer ei utvida opningstid i skulefritidsordninga bør dette sjåast i samanheng med handsaming av budsjett for 2023.